

## Wolter van Delen - Schout in Grotebroek

Bron: Het Nationaal Archief

Toegang toeg. 3.01.27.01 Grafelijkheidsrekenkamer inv.nr. 491 fol. 130vso

### **bladzijde 1**

(in de marge): De reces[bep]<sup>1</sup>. vanden vernoemde Wouter van Delen staen gescreven in t register mitter zwachte connerture so[ ] af [bin]

Scoutambt van Grootebrouck up Wouter van Delen

Marie bij der gracie Goids hertoghinne van Bourgoingnen<sup>2</sup>, van Lotharingen, van Brabant, van van Limburgh, van Lucembourch ende van Gelre, Gravinne van Vlaenderen, van Artoys van Bourgognen, Palatine van Henegauwe, van Hollant, van Zeelant, van Namen, ende van Zuytphen, Marcgravinne des Heylichen Rijcx, Vrouwe van Vrieslant, van Salms ende van Mechelen. Allen den genen die dese onsen [brevens]<sup>3</sup> sullen sien of hoeren lesen, saluut. Alsoe bij doode en overlijdene van wijlen onsen herde<sup>4</sup>, lieven ende welgeminden here ende vadere zaeleger gedachten, ons aengecommen is ende toebehoert die ghifte ende dispositie<sup>5</sup> van den officien<sup>6</sup> van allen onsen landen ende heerlicheden. Soe ist dat wij om tgoede rapport

---

<sup>1</sup> bepalingen?

<sup>2</sup> (Brussel, 13 februari 1457 – Brugge, 27 maart 1482). Na de dood van haar vader Karel de Stoute (in 1477) werd zij hertogin.

<sup>3</sup> dit kan ik alleen met wat fantasie van maken. Er kan ook *lieren* gelezen worden (maar wat dat mag betekenen??)

<sup>4</sup> zeer

<sup>5</sup> beschikking

<sup>6</sup> ambten, diensten (dus: uitgeven en beschikken van ambten)

dat ons gedaen is vanden parsoon van Wouter van Delen, betrouwende  
sijnre reckelicheyt<sup>7</sup>, duegdt ende goede neersticheyt<sup>8</sup>, den selven Wouter  
gegonnen ende gegeven hebben, gonnen ende geven mit desen onsen brieve  
onse scoutambocht van Grootbrouck, mit *sijnen* gevolge ende toebehoeren *omme*  
dat wel ende getrauwelicken van onsen wege bij hem ofte *sijnen* gecommiteerden  
bedient, bewaert<sup>9</sup> ende geregiert te wesen. Geven yegelijck rechte ende justicy te  
administreren ende voirt alle te doen dat een goet *ende* getrauwe scout sculdich  
ende gehouden is te doen, tot sulken vrijheden, rechten, prouffijten vervallen ende  
emolumenten<sup>10</sup> als daer toe behoeren, ende *ander* sijne voirsacten scoutten<sup>11</sup> gehad ende  
gewoenlic sijn te hebben ende dat alsoe lange als ons believen sal. Ende  
van den bruecken<sup>12</sup> ende boeten, die in onse *voirscreven* scoutambocht vallen *ende* *verschijnen*  
sullen, daer van soe sal de *voirscreven* Wouter gehouden wesen ons goede, deuchdelicke  
rekinge<sup>13</sup>, betaeling *ende* bewisinge te doen, voer onsen lieven ende getrauwen  
die luyden van *onsen* rekinge<sup>14</sup> van onsen *voirscreven* landen van Hollant tot allen  
tijden, als hij des vermaent sal wesen. Ende van dat alsoe te doen  
ende om onse *voirscreven* scoutambocht wel ende getrauwelicken te dienen *ende*  
te naeren<sup>15</sup>, die *voirscreven* Wouter sal oick gehouden wesen den behoerlicken eedt te  
doen, dair *ende* alsoe dat behoeren sal. Ontbieden<sup>16</sup> dair*omme* ende  
bevelen onsen lieven ende getrauwen Stadhouders ende Raeden onsen *lander*<sup>17</sup>  
van Hollant, Zeelant *ende* Vrieslant *voirscreven*, onsen Rentmeester van onsen *voirscreven*

---

<sup>7</sup> rechtschapenheid

<sup>8</sup> ijver, volhardendheid

<sup>9</sup> gecontroleerd

<sup>10</sup> voordelen, baten

<sup>11</sup> en wat zijn voorgangers schouten hebben gehad

<sup>12</sup> boeten

<sup>13</sup> afrekening

<sup>14</sup> hier: rekenkamer?

<sup>15</sup> ? = neren (als bedrijf uitoefenen), ? = nakomen

<sup>16</sup> berichten, doen weten

<sup>17</sup> kan ook zijn: landen

landen van Vrieslant ende voirt allen anderen onsen officyen, justicien ende

## **bladzijde 2**

onderzaeten, wien dit aengaen mach, dat gedaen wesende den behoirlicken eedt bij den *voirnoemde* Wouter van Delen, sij hem setten ende stellen oft doen stellen ende in die possessie<sup>18</sup> ende scoutambte van Grootebrouck *voirscreven* mit *sijnen* toebehoeren om dair van mitgaders vanden rechten, vrijheden, proffijten ende vervallen rustelic ende vredelic doen *ende* laeten gebruycken ende useeren<sup>19</sup> sonder hem dairinne te doen of te laeten geschien eenige hinder of ongebruyck<sup>20</sup> ter contrarie<sup>21</sup> want<sup>22</sup> het ons alsoe belieft gedaen te hebben in kennisse van onsen zegel hier an uuythangende. Gegeven in onse stede van Luevene upten xxvi<sup>en</sup> dach van meije int jaer ons heren duust CCCC zeven *ende* tzeventich. Aldus geteykent bij mijner Vrouwe der Hertoghinne [ P.] de Pro[nnen]<sup>23</sup>. Ende upten den rugge vanden desen brieve staet gescreven tgeent dat hiernaevolcht. Upten lesten dach van julio *anno* xiiii<sup>c</sup> lxxvii, soe dede Wouter van Delen genoemt aen dander zijde den behoirlicken eedt vanden scoutambocht van Grootebrouck, in handen Jan van Assend fs<sup>24</sup> Rentmeester van Vrieslant. [Ic] des t oircondense hebbe<sup>25</sup> Jan van Assendelf mijn handteykeninge hiro onder gescreven, upten dach ende int jaer als voeren. Aldus geteykent, J. Dassendelf

(hierna staat op deze bladzijde een benoeming van Egbert van Schoonhoven)

---

<sup>18</sup> bezit

<sup>19</sup> toepassen

<sup>20</sup> inbreuk, storing

<sup>21</sup> integendeel

<sup>22</sup> omdat

<sup>23</sup> hier eindigt de open brief en staat de naam van de schrijver ervan vermeld.

<sup>24</sup> Assendelfts

<sup>25</sup> ter getuigenis hiervan heb ik